

չիւր ըստ հաճոյից իւրոց ետուն պատասխանի, և 'ի վերջոյ եհարց ցայլազգի դռնապանս, և նոքա ասեն, յետ տօնի արմաւենեաց, յորում գնան այլազգիք յուխա 'ի գերեզման Մովսէսի, զի յերեկոյի շաբաթուն եկեալ կանգնին Յոյնք, Հոյք, Գաթիք, Հապէշք և Ասորիք առ դմբեթի Գերեզմանին, և աղդ առնեն Պատրիարքին Հայոց առաքել զմի ոք և կոչել զտեսուչն Հապէշաց, զի նոցա է սեփհական վառել զլոյսն, զի հետեւակ են Հայոց, եւ եթէ ոչ եկեացեն նոքա, ոչ վառի լոյսն: Յայսպիսի երկար եւ տարազարտ քննութիւնս չեղեւ նպաստ ինչ Հայոց, այլ հաստատեցին զրանս Յունաց, ակն ածեալ 'ի կուսակալէն Գամասկոսի: Սակայն հօնին հրաման 'ի բաց առնուլ ըզդէնս 'ի Յունաց, և 'ի չափու պահել զխստութիւնս նոցա: Եւ չթողուլ մտանել 'ի քաղաքն զինուք: Ընդ աւուրսն ընդ այնոսիկ եկն յուխա յերուսաղէմ Բաղիշեցի Աւետիք առնուամբ ոմն, որ էր հանդերձապետ (Քիւրճի ուաշի) կիւջիւք Ահմէտ Գաբուտան Փաշայի, որ եկեալ էր յայնժամ 'ի կողմանս Տիւրքսի եւ Սիդոնի 'ի վերայ ապստամբեալ առն, որում անուն էր Ման զըլա: Սա ինքն Աւետիք տեսեալ զչիօթութիւնս Յունաց, չոքաւ վաղվաղակի առ Ահմէտ Փաշայն և ծանոյց նմա զամենայն անցս երուսաղէմի: Եւ նա փութանակի առաքեաց զարս առ Բղէշին Գամասկոսի, և աղգ արար նմա սանձել զստահակութիւնս Յունաց և պաշտպան լինիլ Հայոց: Եւ նա յղեաց զմին 'ի հաղարապետաց զնդաւ իւրով, որոյ եկեալ յերուսաղէմ խօսեցաւ ընդ քաղաքապետին, և մատոյց զգիր կուսակալին առ դատաւորն: Եւ նա ընթերցաւ 'ի ժողովի, որ ունէր օրինակ զայս: «Արդ որոշեցաւ՝ զի տօնեացեն Հոյք յայսմ ամի զՋատիկն իւրեանց 'ի 23 Շէվվալ ամսոյ, յորում պատահի ուխտադնացութիւն այլազգեաց 'ի գերեզմանն Մովսիսի: Իսկ Յոյնք որք զհետ մտեալ Ջանան շաբաթաւ միով յառաջ տօնել, խոտորեալ են 'ի կանոնէ և 'ի նախնի սովորութենէ: Գրեալ 'ի 17 Շէվվալ ամսոյ:

Իսկ հաղարապետն եկեալ եկաց 'ի դուռն Ս. Գերեզմանին 'ի նախընթաց աւուր Զատիկին Յունաց, և 'ի բաց վանեալ անտի զնոսս փակեաց զդուռն և կնքեաց, և ոչ ետ թոյլ մտանել ումեք 'ի ներքս, և ապա յետ միոյ չա-